



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 34. Edmundi Richerii Scripta.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

„tractata est, filebimus? proculdubio Sæc. XVII.
 „bacchantibus, si Catholici Doctores A. C. 1631.
 „in morum carcinomata, sicut & in
 „errores Lutheri, calamum acuisent,
 „vel hodie Ecclesiam emendatam, vel
 „non ita schismatibus laceram, & ad
 „paucos redactam haberemus, neque
 „ambitiosi & portenta hominum, si-
 „lentium nostrorum, in abusu & cor-
 „ruptelarum patrocinium sic abduxif-
 „sent, ut quotquot hodie de Ecclesia
 „melius emendanda sermones conse-
 „rere audent, pro hæreticis, & pa-
 „bulo inquisitionis, si Deo placet, ha-
 „beantur. Sed tum demum anno se-
 „ptuagesimo ætatis post diuturnum
 „morbum nephritidis, codicillum hunc
 „olographum conclusi, & obsignavi,
 „die vigesima quarta Decembris in per-
 „vigilio Nativitatis Dominicæ post me-
 „ridiem anno millesimo sexcentesimo
 „vigesimo nono.,

§. XXXIV.

Edmundi Richerii scripta.

Haud diffidendum est, Richerium *Niceron. l. c.*
 fuisse Virum rara ingenii felicitate,
 omnisque generis scientiarum copia in-
 structissimum, ac fors maxime com-
 mendandum, si aut suo ævo plus ce-
 teris non sapuisset, aut inter hodierni
 ævi

K k 5

Sæc. XVII. ævi Eruditos vixisset, scripsissetque. Porro præter ea, quæ circa Grammaticam, Rhetoricam, Eloquentiam, non non prudentem docendi discendique methodum scripserat, celebratur eius tractatus de optimo Academiæ statu, non non ipsius *Apologia pro Senatus-Consulto*: Utrumque hunc librum Richerius ediderat adversus Georgium Critonem, qui Richerianam Universitatis emendationem carpebat. Ubi vero Richerius suas novitates spargere coeperat, contentio inde exorta pluribus ejusmodi lucubrationibus argumentum Richerio suppeditabat, ac primo quidem ea ex causa edidit vitam Joannis Gersonii ex ejus operibus collectam. II. Apologiam pro eodem de supremæ Ecclesiæ & Concilii auctoritate, & independentia Regiæ potestatis. III. Librum nominatissimum de Ecclesiastica & politica potestate. IV. Demonstrationem libelli de Ecclesiastica potestate cum Authoris Testamento. V. Vindicias Doctrinæ Majorum scholæ Parisiensis de auctoritate Ecclesiæ. VI. Historiam Conciliorum Generalium. VII. Librum de Potestate Ecclesiæ in rebus temporalibus. VIII. Considerationes in librum, cui titulus: *rationes repugnandi censuram quorundam librorum &c.*